

婁縣續志卷十六

人物志上

前志之載人物也自漢始考獻之義綦詳顧前志迄今幾及百年而秀毓靈鍾於茲未艾郡郭之西真人文淵藪也而鄉舉里選亦不乏人著等身書蔚名世業後先輝映各有千秋其足以耀峯屏而涵泖鏡者殆書不勝書用爲搜輯列如左

張安豫字子建父以訥前有傳安豫明季恩貢生選授齊河縣丞以平龍山賊有功擢齊河縣知縣遷保定府同知時舉烽日近關城戒嚴安豫悉力固守薊遼經畧王永吉知其才舉以自隨題授兵部職方司

員外郎兼戶部事督理軍餉薊鎮兵譁安豫曉以大義咸稽顙歸伍

王師入關隨征殺賊二年乙酉

詔兵部尙書王鼐永招撫山東以安豫威信素著薦授清軍右布政兼理監軍事降人不法安豫誅首事者左遷金華府知府時婺城初下民情畔疑安豫設法招來戢暴兵嚴告訐蠲免力役民獲蘇息越明年歲大稔多方賑濟全活無算郡庠燬於兵鳩工重建通濟橋爲括蒼太末孔道以兵燹廢修復之又造營房築石壩嚴保甲備儲峙以濟征聞

大兵治行推第一擢分守嘉湖道失上官意絀吏議士



民倍道走三衢訟寃事白補長蘆鹽運分司以忤齟使拂袖歸卒年五十六

周心岷字永瞻順治十四年歲貢留心性命之學與平湖陸贈公交最厚清獻總角時永瞻知爲德器後以役累僑居嘉善邑人爭師事焉著四書斷清獻爲序讀易斷疑藏於家子梁字好生少穎異以五經補博士弟子員厲志學行與清獻往復辨難多所發明張世維字我持安豫子嘗佐安豫平龍山賊隨往山東招撫駐濟南時士大夫家屬及商賈集濟上不得進退者數萬人且不得食世維急請檄衛遂率步騎二三百從賊中防護悉下淮泗齊魯間人奇之呼爲鐵

人物

二

膽張公子後在京口王將軍之鼎幕府鄭成功入寇之鼎賴其贊畫以積勞成疾歸世維天性孝友赴義若熱工詩古文詞以歲貢注選訓導年五十六卒弟士紳初名世紳字臨武游北雍改今名順治十四年舉人倜儻負才安豫守齊河士紳相隨捍禦入

國朝又佐其父監東省軍後屢擯春官需次知縣未及官卒

張安泰字康候孝子以訥第三子善屬文中年以諸生入太學遂棄舉業刻意爲詩兼工山水築室皇甫林南曰鷓室內行純篤郡舉鄉飲賓次子世璘令關中就養官解一年卽歸曰母以晨昏累吏治或致簠

簋不飭也世璘字孝節順治六年選貢授陝西靈臺縣治尙寬靜以廉節聞丁父憂歸不復出

馮鼎位字素人時可孫前明諸生豫纂修貢入太學授翰林院待詔馮氏自南江先生而後子姓蕃衍貧富不一鼎位緩急周全惟力是視處心行己不愧世德甲申後屏居鄉曲水竹自娛與諸名流往還過從及僧寮鶴觀怡情寄志焉順治十五年卒從弟鼎學字習甫嘗從山陰劉念臺先生講學父沒廬墓三二年墓產靈芝二本同社陳民表作瑞芝詩順治中巡按任濬與學使某交旌孝行子鸞精星緯象數之學著述尤多

張世綬字紫垂安豫子康熙二年舉人選授河南洧川令縣有疑獄久不決至卽剖之歲旱禱於神輒應建常平倉濬城濠革耗羨朔望集諸生明倫堂課其文藝而甲乙之時至村落咨民間疾苦攝穎邑篆典利除弊一反前令所爲爲同考官所援多知名士復任洧川卒於任洧人哀之會建培風書院落成因肖像其中歲時奉祀穎亦築德鄰祠祀焉弟世紹字衣聞以貢授鄧州同知循謹修吏事上官檄散賑步行村落吏不敢欺後自投劾歸

張淵字起田諸生工制舉業從游甚衆康熙二十三年領鄉薦明年會試闈中中式以兩主試爭元不相

下榜發竟落座師徐尚書潮延訓其子本他著錄弟子如北平黃叔琳同郡戴有祺及從孫昂得其指授竝著聲望著有燕臺雜錄及詩文等集未梓多散佚孫星諸生屢試高等學使者目爲雲間一寶訖不遇以歲貢終士論惜之

沈宗敬字南季文恪公荃第四子康熙二十七年進士選庶吉士改編修歷官大常寺少卿在詞垣中有清望供奉

內廷最久

寵賚優渥康熙六十年舉行千叟宴宗敬年六十四與宴賦詩時人榮之家世工書宗敬兼工畫經進圖幅

身學錄

卷十六

人物

四

皆蒙

睿賞名公鉅卿爭購手迹以爲重相國家人某頗用事乞畫不與復屬所厚言之卒不可得其持正如此敦尚古道悃幅無華尤能獎掖後進爲人所難云

姚宏緒字起陶康熙三十年進士改庶吉士授編修充明史纂修官俸滿假歸不復出性耽吟咏集松郡自晉魏以來先達及山人逸士詩文輯松風餘韻谷水文勺爲一郡文獻其所自著有遲就草胥浦類稿十如塾雜鈔諸編

沈迥字子凡歲貢生博涉經史工詩文少時與王司農曰藻曹明經偉模及王文恭昆季同倡文社晚年

教授朱涇戴殿撰有祺陶進士爾樾皆從之游著有潛積堂尺牘詩稿

張澤萊字敕和少與焦徵士袁熹同學相鏃礪爲文日有名以歲貢注選訓導絕意進取生平敦本務實見義必爲晚年置田三百畝以周族之貧者自爲條約甚具卒年七十六

張慧字迪吉歲貢生父濬遠得風疾日夕侍湯藥衣不解帶者九年旣失怙母周復臥病侍疾垂二十年一日忽霍然愈士大夫皆作詩稱其孝昆弟五人同食遞衣終身不析爨弟荀八病瘵家人莫敢近慧不離左右受業陸清獻之門清獻重之授周易毛詩遂

卷一六八人物

五

著周易探微毛詩會意四書質疑各若干卷後選繁昌縣訓導講學課士一以清獻爲宗年七十四卒學者稱胥浦先生子敦宗字調一歲貢生研精周易性理諸書及天文地理刑法賦役音律無不窮究兼工書畫張文敏重之著有靜敬山齋古文葩經心得行於世

陸承勳原名坦字履平居于巷陸清獻胞弟幼出嗣母舅曹默從其姓事嗣父母生養死葬盡禮盡誠嗣父母沒後有語以復姓者則曰吾念撫育恩不忍也臨沒始命子文炯輩歸宗立曹氏之賢者承其祀論者謂恩義兩盡生平取與甚嚴一介不苟不失清獻

家法焉

陳嘉綬字彭年當湖陸清獻妹婿有隱德好學不倦藏書甚富清獻爲之顏其室曰萬卷子濟字簡庭奉舅氏雜錄一冊寶藏篋衍重加編次各以類分凡十二卷爲三魚堂贖言海寧陳世倌序而梓之

陳治字山農諸生工詩出語驚座人平生好游足跡徧天下耿精忠聞其名具書幣招堅拒之晚歲隱居浦南與二三知己飲酒賦詩意洒如也喜丹青兼善歧俞術著有貞白堂稿

楊黼字來祉少嘗受業陳黃門敦尚氣節以貢授鴻臚寺序班擢知湯陰縣時滇黔未靖羽書旁午無寧

名一六人物

六

日黼供億之暇勸農桑興學校人以爲難邑雹災無麥黼固請蠲免獲減數千民慶更生晉臨江同知攝府事靖江令張某以漕規三千餽峻郤之張內不自安黼待之如初感悔改行巡撫某與糧道不相能令黼揭之且休以禍不爲動遂以病乞歸年九十卒黼存心利物所至有惠政其沒也有不遠千里哭拜其墓者著有泣湯拙牘四美堂稿

楊王猶字成侯歲貢生與兄桓互爲師友陳黃門夏考功俱器重之閉戶著述年八十一卒子斗芬字南楚華亭廩生

張之普字閔祖父宮字處中初與邵梅芬徐桓鑒王

澧游陳大樽之門稱四子。在幾社中有聲之。普遭母喪哀毀骨立廬墓三年。康熙辛酉宮客中州臥病之。普星馳省視。父沒撫棺哀慟絕。而復蘇扶櫬歸。氣息日微。抵家設祭。卽瞑目。苦次事聞。

旌表

沈宏烈字元功。以孝聞。嘗出資建宗祠。戚族貧不能婚葬者。贈之。惟恐後。里中有義舉。悉竭力身任。或力不能舉者。務倡先之人。高其義。生平崇尚實行。不以文章馳聲。譽康熙十六年。郡守魯超核實舉鄉飲。

唐彬字慧武。庠生。性至孝。父醇病沒。彬與弟定昌俱赴科試。不獲視。含斂歸時。一慟幾絕。潛往投水。舟人覺而救之。自是思父不已。屢投繯於館。每爲館主解救。至康熙乙丑正月夜。竟自縊死。同里奚鉞照爲作唐孝子傳。

張用棟字逸九。寄籍青浦。爲名諸生。家浦濱。有羣盜夜半入弟室。毆弟哀號。聲徹戶外。用棟急披衣持挺躍入。是時盜數十人。鄰人皆莫敢前。用棟率兩僕奮擊之。盜走。弟得免。方擊盜時。背負重傷。若罔覺者。用棟本儒生。以救弟故。奮不顧身。游京師。公卿爭倒屣迎。以國士相待。屢試棘闈。不售。士論惜之。

李郁芬字元音。榜姓郁。康熙四十八年進士。選內閣中書。改知河南商邱縣。縣孔道。官用夫馬。科派病民。

郁芬至卽詳禁立碑永杜後患學校久廢振興之丁外艱歸士民勒石誌德服闋銓信豐引

見遵

旨條陳一請復易知由單以便輸賦一請許盜賊自首以冀民自新時奧西多事需幹才得

旨改發至署柳州來賓縣踰年調藤縣有豪右恃強占奪民田廉得其實卽列欵申詳置諸法籍其產還之民大悅立石頌之在粵三載以積勞染瘴卒於官

蔣麟字健修爾揚族姪康熙三十八年舉人四十八年進士選內閣中書未仕卒麟早承先志博極羣書存心孝友常以名節自勵云

卷之八 人物

八

姚培和字鈞風康熙五十一年進士由太常博士歷河東鹽運使會關陝軍興改調漢興道檄理瓜沙屯務培和招流民蓋房屋給地畝建倉設學四年邊地成樂土復回漢興漢興俗悍多盜培和寬猛相濟人盡化之以憂歸卒著有斗室調圩集

姚培益字苞延康熙五十三年舉人雍正八年考取內閣中書軍機處行走任職敏達勤慎有溫樹不言之風乾隆初授翰林院起居注主事丁父憂服闋補原官擢刑部江西司員外郎假歸杜門課子以詩古文詞誘掖後進著有迪惠堂詩文集

張忠晟字晴巖占天津籍登康熙五十六年鄉薦授

福建平和令俗健於訟忠最一推以誠牒至立判之情偽曲中民懼服調順昌折獄明敏如平和大吏廉其能將舉最以疾去官卒

林鶴字健羽康熙五十六年舉人從焦袁熹游所著詩古文詞不剽擬前人適歸於範癸丑下第卒於京邸同人啟篋笥得一函乃其弟子致要人書求善視其師者鶴不往謁亦不言及其介節如此同年之在京者醵金以殮而歸其柩云

張澤緒字繡百安豐孫事親務色養居喪三年不入內不食肉不修容弟澤朔前卒遺孤二飲食教誨底於成立舉康熙丁酉順天鄉試需次國子監學正卒

著有尙志居詩文稿

顧思照字藻文廩貢生任丹徒縣訓導性行古樸博學工詩文所居醉白池在谷陽門外饒水竹之勝乾隆初年與黃之雋周吉士諸人結詩社於此著有西村倡和集自訂醉白池詩鈔

范纘字武功太學生年十五侍其父宏曾在吳梅村先生席上賦桃花篇千餘言頃刻立就梅村見而異之既長博聞強記於書無所不窺搜擇秘奧有叩卽答之詩文與周稚廉齊名又與錢棨芬諸人倡興詩餘專工小令能書善畫乞畫者例酬一綿衣每歲積數十襲以待冬月施貧者中允黃之雋爲諸生未知

名館泖東盛氏纘三訪之後海昌陳文簡在松求士以之雋對由是顯名晚葺數椽讀書顏曰雞窠自稱雞窠老人著四香樓集子甫霑號畊南仁霑號春江並以諸生負時望孫棫士自有傳

莊永言字祉如工詩古文詞所居大雅堂與姜遴等二十餘人結社爲時文時張棠張昺年最少繼又得戴有祺等十餘人焦袁熹稱郡中文會大雅爲極盛云

曹綸字舒光諸生棄舉業爲詩工古今體幼苦踐更田畝悉書白券與人李侯復興令婁綸作詩并書投之宛然鄭監門圖也及詳定均賦乃悉取田籍焚之

人物

十

日令子孫勿作汝陽想耳有族兄撫甥爲嗣擬服本生爍準以恩義爲書數百言貽之陸清獻深以爲然嘗風雪中出錢救覆舟夫婦終不告以姓氏著有鈍留齋集祀孝義祠子奕霞字哲庭工詩著白村集施士愷字澄如國學生性誠樸好學不怠工詩善擘窠書識樓儼於未遇時延至家師事之學益進著阻華齋詩草四卷詩餘一卷邑令王道序而梓之

趙鳳翔字魚裳諸生與弟慎徽同游陸清獻之門稱高弟鳳翔幼好讀書攻苦無間文名噪甚當湖勵以實行乃斂華歸實深體主敬窮理之旨以所學教授生徒一經指示咸有條理慎徽義命自安不屑干謁

性寬厚有犯者不與校好周人急識者謂淵源有自云

楊朝藩字滌山歲貢生臨江守黼長子以仁孝聞與弟升友愛畢生無間言著有未庵集子開鄴字籥堂性至孝母喪盡禮侍父病寢處不離者五載及父沒哀痛卒升字階六諸生亦以孝友稱平生多著述

林企俊字宮聲爲諸生不專章句講求經世之畧壯年幕游晚始居里黃太史之雋爲作傳謂爲不仕而仕以其能佐當世利濟及人也歸後復其祖太僕景陽所置贍族祭田各三百畝其師吳騏無後葬之細林山奉主於點易臺助田道院以供其祀子令旭貴贈如其官

楊錫履字葆素諸生閣學瑄長子經史百家靡不殫究爲文力追先正雍正元年隨父戍黑龍江險阻艱難不離左右遇

恩赦歸杜門著述至老不衰有自適文稿八卷口外山川紀畧六卷弟錫恆字涵貞康熙己丑進士性尤孝依依色養不忍就選亦嘗侍父謫戍父沒極哀盡禮母病籲天以己算益母壽等愈生平好古博學著有冰天草生還草聽雨軒詩文等集

王鶴江字岷始居璜溪歲貢生性至孝晨昏定省先意承志無少怠居喪擗踊哭泣幾不欲生族有不能

葬親者贈以地復貨之費以經紀其喪比族之墳糧祭婦子孫不能承者以身任之未嘗有德色著學庸撮要粵游草讀杜心知等書子壽樟字問亭諸生著有石筍詩稿

楊錫觀字禺若瑄姪工翰墨尤精隸篆成六書辨通等書凡八種幼孤事母孝至老孺慕不衰性和而介行方而通嘗著清夜錄以自警云

夏起麟字肇周性謹厚父塊然鰥居家貧授徒以供甘旨每黎明上堂問起居夜必手整牀褥視寢熟乃退出告反面三十年無間田畝歲入悉任兩兄雍容友愛無間言有許字良家女其父生異議爲委曲設

法歸其夫又故人饒於資臨沒以子相屬亦爲經紀數載俟其長而歸之封識如初其樂善慕義如此陸大癡逸其名字雲龍唐忠宣公裔不事舉業工詩善作擘窠書家徒壁立而意氣自豪

聖祖仁皇帝南巡獻策

行在人目之爲癡因以自號凡書扁聯輒署其尾曰大癡與同里張雲蓀竹友善竹諸生能詩善畫五十後棄舉業嘗除夕造大癡大癡方擁爐高吟卒歲之需無一辦也竹爲寫除夕擁爐圖人兩高之

湯浚字熙臣事繼母盡孝終身孺慕母患癰爲之吮毒而愈母沒哀毀骨立嘗因無子買妾詢知良家女

厚贈遣之越明年子柱生有徽人黃會賢者挾巨資
孤身客蘇適俊寓與鄰會賢邁危疾俊爲親理其醫
藥及卒厚斂之且守其貲俟其子至而授之子請分
其半以酬笑而不納

莊有奇字問雲先世由歙浦徙朱涇少有文名受學
於嘉定張匠門大受同游多知名士篤友誼有同志
貧而介有奇周其匱乏數十年不倦尤樂周卹宗黨
凡親族之貧寡者無不曲濟之由歲貢選潛山訓導
潛士皆喜得師表云

張忠震字虎臣父道孔任歸安令有政聲忠震三歲
而孤家窶貧生母俞攜之改適稍長卽不願居住依
從祖某晉州官署入宛平籍補諸生遂家京師日或
不再食讀書無間有貽以金十鎰者聞夜哭甚哀旦
知鄰有母喪不能營楛柎卽舉以授之雍正元年領
鄉薦明年會試以春秋冠其房授湖廣石門縣知縣
在職十年惠威並著以最擢禮部主事晉員外郎奉
命往賑江南事竣還京

特授撫州府知府尋被劾奉

旨還部補戶部員外升工部郎中調製造庫兼管寶錢
局充會典館纂修官忠震性剛直不能事上官遷轉
中外歷三十年不名一錢卒年八十一

吳永雯字季青父宗煥由歲貢生考教習候補知縣

永雯雍正十三年舉人後以中式明通榜官太湖縣教諭訓飭士子先德行後文藝任事十餘年文風日進子志遠字毅哉金山衛學生歲科試輒高等嘗客嶺外三十餘年品行醅謹工詩詞著有湛溪綺語及粵游詞草行世

張孝源字儼思父忠仁字元長以孝友稱於鄉孝源乾隆三年領鄉薦選永年縣教諭七年中明通榜仍回任屢攝縣事以能稱秩滿卓薦奉

旨以知縣用尋遭父喪服除未赴卒年四十五孝源性寬厚工制藝爲學博十年訓士有方士子問業者甚衆某生以逋官祖令檄之夏楚孝源謂令曰此生貧耳鞭撻益越以立威名我不爲也捐貲代償士益親附工書法張尙書照極稱之

張孝泉字述思縣學生弱冠幕游織造圖拉延主章奏圖拉器之趣其試京兆遂入宛平籍舉乾隆十五年鄉試十六年成進士試戶部主事父喪服闋補陝西司主事轉員外郎京察一等引

見記名以繁缺知府用監督大通倉丁內艱服除起原官擢刑部安徽司郎中出知廣東南雄府歷署韶州肇慶兩府權肇羅道南韶連道引疾歸孝泉外和內介無疾言遽色及事關民生利弊輒侃侃不少休郎潛十載勤慎供職及爲郡守益勵清節粵省素稱雄

饒仕宦者不數年漸至豐積孝泉在職二十年囊橐蕭然不能自潤晚主上洋書院館餉不繼僦屋而居著退圃詩文鈔冷香集錢少詹大昕序之卒年八十一子崇鈞國學生能文工詩詞庚寅試北雍闈中首薦不售性豪逸著有珠江竹枝詞及詩文稿

杜昌丁字望之麟徵孫父登春爲廣昌令除丁糧爲民累者年五十九始舉雄澤州相國陳廷敬寓書曰爲廣昌除干丁乃爲杜氏增一丁也故名昌丁中雍正四年順天副榜以保舉選浦城令禮賢課士除無名科斂報最擢永春州知州築衛城壩創書院學舍會泉州奸民拒捕大吏議屠勦昌丁諫止命署府篆乃單騎往諭誅首惡餘末減全活無數以病卒於官貧不克歸民賻之立祠壩上以祀焉著述詳藝文

吳樹本字芸閣原名昕元龍曾孫少孤勵志沈潛嗜學乾隆三十六年成進士改名敬輿由庶常授編修改今名會大考翰詹擢學士充日講起居注官教習庶吉士歷典陝甘湖北試充鄉會同考官順天武闈正考官乙卯福建副考官未入闈以疾卒於途年五十七樹本詩文爾雅深厚生平於漢儒訓詁及說文小學諸書疏通證明皆有依據官翰林久凡有撰擬及扈從廣和恆邀

膺賞保送御史十載不遷未嘗一謁要津及膺

特擢出自

主知論者以爲榮遇性孝友弟嗣宗病癘百治不效樹本每旦禱神額爲墳起病竟獲痊同年桂林朱篠庭病京邸竭力經紀歸其櫬中表王聲中以遺孤託摒擋婚娶時卹其家諸風義類如此著有清容堂集弟孝顯字季揚乾隆四十六年進士官國子監學錄轉助教遷宗人府主事充四庫館詳校官壬子同樹本分校順天鄉試郡自康熙中王九齡鴻緒兄弟之後未之有也癸丑充會試同考官所得皆知名士生平好學與人交謙挹若不及說經宗漢儒其他子史金石之學鈎稽博奧與樹本同事沈大成爲得其傳云

三原縣志

卷十六 人物

十六

著有清真閣集

王春煦字紫宇父心渠字子勤諸生乾隆九年以五經中式副榜於學無所不窺尤邃經義游京師名公卿爭延致之砥節敦行遠近稱長者年六十三卒春煦少有神童之目爲文工而速年十四補府學生以拔貢中乾隆三十三年順天鄉試四十年成進士二甲第一名

朝考第一改庶吉士授編修掌院阿文成桂稽文恭璜器重之館閣撰文字多出其手充癸卯巳酉順天鄉試同考官庚戌會試同考官教習庶吉士擢河南道監察御史署吏科給事中授湖北宜昌府知府請訓

陸辭

高宗純皇帝命和

御製詩一首春煦赴軍機處援筆立就

天語嘉獎蓋春煦官翰林時每奏御文字必稱

旨早知其名洵異數也宜昌爲川陝門戶萬山叢雜嘉慶元年川楚教匪滋事春煦團練鄉勇且守且勦賊首林之華等聚衆二萬屯據長陽縣之榔坪遊擊邱作訓知縣黃應文赴援被害春煦僿道疾行至長陽率團練鄉勇守孤城者六月殲賊無算城卒獲全大帥上其功奉

旨陞用五年四月卒於官年五十七追贈道銜

人物

十七

賜祭葬廕一子宜人思之祀於黃陵廟中著有延青齋

詩文集

姚令儀字心嘉乾隆四十二年拔貢

廷試一等揀發雲南試署祿豐易門及尋甸州有賢聲時福公康安移督四川奏以從自縣令厯官至布政宦績皆在川中其任石柱同知時從將軍鄂輝進討西藏廓爾喀兵行人迹不到之地沅寒巖谷儲峙悉辦會鄂公以罪降而孫公士毅爲督福公爲大將軍皆以書招令儀以旣許鄂公從之不去任事彌力上聞而義之

賜花翎擢知府其後川東湖廣民相繼煽亂福大將軍

檄往軍中事率與謀言無不盡大將軍與人毆都司
徐某於營門叱止之不聽乃杖斃之又從威勤侯勒
保勦達州餘匪承鞠俘囚開釋株連者無算功成寇
殄全川以安知成都府時歲祲請發倉粟設粥廠以
食餓者及任按察數月清釐積案六百餘起擢藩司
二年以積勞失血而卒年五十六生平持身廉而厚
施於族黨故舊尤善識拔人如方公績傅公鼐皆由
薦引爲一時名宦少能文工書至老不倦

吳省欽字充之號白華世居南匯鶴沙贅於郡城查
氏遂家焉乾隆二十二年

南巡召試

卷十六 人物

六

欽賜舉人授內閣中書二十八年進士改庶吉士授編
修大考一等擢侍讀遷侍讀學士光祿寺卿順天府
尹擢禮部右侍郎調工部歷吏部左右侍郎晉都察
院左都御史嘉慶四年罷歸卒年七十五省欽起家
詞賦遷秩清華七典鄉闈四督學政爲同考官者三
爲副總裁者一詞臣榮遇罕有其匹古文堅卓奇峭
詩初學漁洋竹垞後自闢蹊徑王昶謂其意必堅凝
詞歸清峻在京師日購地置松江義塚葬同鄉旅櫬
之無歸者歸里後復置義塚於包家橋北並設與善
堂爲施藥施棺之所著有白華前後詩文稿行世
吳省蘭字泉之南匯籍省欽弟乾隆二十七年舉人

官國子監助教四十三年會試

欽賜進士改庶吉士授編修大考一等陞詹事府正詹事官工部左侍郎降補侍講陞侍讀學士視學湖南時江省同知李焜怙撫軍勢虐生員興大獄而原籍有子弟與試者輒以私書請託省蘭入奏李論戍人稱其持正性疆記與兄省欽齊名著有奏御存稿藝海珠塵

沈步垣字薇軒乾隆三十六年順天舉人授內閣中書四十六年進士由庶吉士充

武英殿纂修三通館協修甲辰改刑部主事陞員外郎擢浙江道監察御史稽查興平倉掌京畿道巡視南

城署吏禮二科給事中性至孝自入詞垣卽迎親入

充

都服官十四年丁外艱歸里服闋遂請終養歷主大梁鍾山敬敷雲間書院工篆隸卒年七十四

楊汝連字景商官陝西布政司經歷改河南用卓異薦得

旨待擢中風疾自免在河南長官惡家奴下經歷推問將傳以法汝連不可曰法以治民不當自便署有樓相傳有鬼物不敢居汝連啟鑰信宿其中竟無他攝開封同知監稅朱仙鎮宿弊一清部民聘婦將婚婦家忽背約汝連曉以大義卒成禮及解組歸有同官卽正達贈以金始辦裝汝連生平嚮於取而博於施

當時勝流曲阜孔繼洙杭州陸飛嘗主其家晚游豫章吳越其故舊相與致橐中金不受祇取異卉古書數種以歸浸淫卷軸至老彌篤著有消寒隨意錄豫游日記石言藏於家

張孝煜字炳南父忠當有用世才孝煜曉暢吏事以宛平籍入監注選縣丞需次南河補山陽主簿調清河河帥白鍾山器之將入薦固辭以事奪職起碭山主簿會有欲壞隄生事者以孝煜能因屬之孝煜謂隄壞魚鼈者且數萬人奈何以數萬生靈糜數萬帑項不奉檄後卒如其言而孝煜先以他事劾矣在山陽有訟子不孝者廉其貧出俸錢與之後其子竟以孝聞年七十一卒於家著有恆齋詩鈔二卷

人物

二十

張夢喈字鳳于父維煦兄夢徵並有傳夢喈夙承家學乾隆壬午乙酉兩遇

聖駕南巡學使劉墉李因培先後選應

召試不得志以貢入貲候選同知性和易信然諾篤內行詩本漢魏三唐掇其精英自臻佳境並工詩餘年七十四卒次子興載以廩貢官新陽訓導亦工詩賦著有寶禊堂詩文集

諸煌字東宿乾隆十八年選貢生學使者雷鉉稱爲學行第一教授生徒具有模範王太史嘉曾孝廉憲曾皆出其門晚與沈大成徐王昱朱龍鑑相與爲十

老會大成爲文紀其事後有郁兆桂字良補歲貢生
工書金平成字抑洪歲貢生工詩嘗以白牡丹詩得
名錢庭桂字粟巖廩生與文學金漢陽並以學行爲
時所稱

徐令銜字維笙歲貢生師事蔣志說弱冠餼於庠屢
試冠軍詩文瀟灑雅好棊爲范西屏弟子父欽病篤
日夜籲天願以身代繼母葉患痢令銜年已老與妻
侍湯藥衣不解帶月餘母沒竟以哀痛嘔血卒志說
丙子副榜以文名

杜昌意字載茲明工部尙書士全五世孫以諸生入
太學能爲章奏治官文書幕游五十餘年聲望卓然
嘗客晉撫署中時四庫館開奉
旨直省采訪遺書昌意暇卽繙閱中丞意不懌謂曰此
豈公事耶昌意曰此卽公事也某籤出數百條皆非
宜

進中丞因以書送藩司大興朱文正公覆勘文正歎服
遂與訂交在畢中丞沅署時幕下士皆通材盛詞藻
顧見昌意文行高潔悉斂衽推服生平恆篤於孝思
以母老近就本省督署時一歸省母沒得視含斂喪
葬一準於禮館穀所入悉以資宗族親黨每自致窘
乏晚館上海道署卒年八十昌意雖習刑名家言而
立心行事雅近儒者在江省二十餘年人未有干以

私其素行蓋上下久孚云

張寶鎔原名崇敬字花農父孝鏌諸生著有餘齋詩鈔寶鎔縣學生母盛邁疾露禱北斗五載旣而父又病稱水量藥洗滌厠踰凡十三年少擅詩賦每試第高等幕游江淮閩越管書記所至以詞翰稱著有牀山堂集無錫場芳燦序西冷唱和詩錢唐吳錫麒序年六十八卒

葛維嵩字厚卿貧居塊獨壯歲游關中歷二十餘年歸儻居僧舍惟以詩爲事土銓無朝煙不知也年七十餘卒著有蘆坪詩鈔

莊師洛字萼川諸生嘗增輯陳黃門集撰成年譜營祠墓夏考功集久無傳得其子完淳所著詩文若干並輯以行世所著十國宮詞已梓其自定詩與吳詩覽刊誤唐賢二昧集補注宋詩集評藏於家

李錫勳字瑞五生有枝指年十二補縣學生屢試冠軍時文與馮大淵齊名工詩善書學士吳銘茶家居見其文以爲後來之秀年未三十以羸疾卒同學輯其遺詩若干首爲時花居詩存陸副憲錫熊序以行世

顧世傑字謨天諸生幼多疾三十外始入學性仁厚樂施予爲文尙簡勁朱芷湄有細筋入骨之評注尙書禹貢便蒙有一齋詩鈔

徐樞字聖功文貞四世孫雍正七年以諸生保舉賢良方正引

見發往江西以知縣用署星子縣以廉幹稱尋被劾歸與黃宮允之雋顧侍講成天倡和著有玉屏山人樂府詩集行世年七十八卒

吳濬字白沙廷揆子諸生雍正七年薦舉孝友端方官廣東新興縣廉明慈惠爲政有聲弟猷字晴沙歲貢生以好義敦行重於鄉

姚培謙字平山諸生好交游名滿江左雍正七年保舉以居喪不赴後數年尙書沈德潛還

朝奏培謙閉戶讀書不求聞達又以其所著

卷之六 人物

三

御製樂善堂賦注四卷增輯左傳杜注三十卷經史臆見二卷代爲進呈王編修嘉會以爲通鑑綱目節鈔及類腋雖未經進尤其一身心力所萃云所著有松桂堂集卒年七十餘

繆孟烈字毅齋先世自江陰僑居雲間遂爲婁縣人少聰穎於經史子集皆能誦習以諸生名於時學使崔甄賞之入太學應京兆試不售抑鬱成疾卒士林惜之

黃達字上之乾隆十七年進士官淮安府教授訓士諄至不異居鄉教授時平居蒐輯故實凡忠孝節烈及畸人端士悉爲作傳表其微古文徵實處不及沈

大成而冲融澹遠過之大成稱其詩既自寫其性情而復準以古人之法律則亦異於剽竊模擬者著有
一樓詩文集

吳有容字南弧廷揆會孫年十九領乾隆二十四年鄉薦知河南桐柏縣結吏議會川楚教匪滋事桐柏爲由楚入豫要道大吏知其才仍檄攝縣有容團練鄉勇晝夜徼巡賊不敢犯後將軍興岱尙書惠齡先後領

大兵過境供張絡繹經畫裕如事平詳請給賑民賴以安巡撫景安奏請開復調知汝陽鹿邑尋病卒

戴克疑字吟山馭龐孫附監生母俞守節撫之成立

卷十六 人物

五

家貧四出藉筆耕供甘旨年五十餘家居訓子每夜攜炊具伺母寢覺時進飲食製有寢衣便睡起夏月曬諸庭補百衲親友乃知之垂十年母壽八十餘卒勉營殯葬未幾亦卒

錢塘字容聲諸生母疾刲臂肉以進不愈哀毀與母相繼卒同邑胡鼎蓉趙萬里皆爲立傳徐大容爲作哀辭塘工詩著有陟屺小稿

戴見元字陵雲事母至孝會割臂肉以療母疾不婚不試能詩工書畫有書窗遺稿一卷

楊士璣字玉階乾隆十八年舉人十九年進士官吳川縣知縣擢蘭州府知府乾隆四十六年逆回作亂

檄往查捕罵賊死事載

欽定蘭州紀畧

張炎原名樹芝兄桂堂客漢中病篤炎疾馳數千里
視之兄卒扶柩歸後游中州客滑縣令強克捷署嘉
慶十八年九月逆匪作亂強殉難交與青浦諸自涵
同時被害邀

恩優卹附祀韓城滑縣強忠烈專祠

婁縣續志卷十六終

卷十六 人勿

三五

